



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400; 726 412
fax. +387 33 726 423
e – mail: info@voda.ba

Broj: **UP-1/21-2-40-617-6/22**

Datum: **02.02.2023. godine**

«Agencija za vodno područje rijeke Save» Sarajevo rješavajući po zahtjevu Službe za razvoj, komunalne poslove i puteve Općine Ilidža, za izdavanje vodne saglasnosti za vanjsko uređenje oko ispusnog kanala bušotine IB-1 na ušću u rijeku Željeznicu, na osnovu člana 109. stav (1) tačka 14. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 49/99 i 61/22), **d o n o s i**

RJEŠENJE **o vodnoj saglasnosti**

1. Podnosiocu zahtjeva, Općini Ilidža, daje se vodna saglasnost za vanjsko uređenje oko ispusnog kanala bušotine IB-1 na ušću u rijeku Željeznicu, na zemljištu označenom kao k.č. 981 dio, 1447/2, 1447/3, 1448/3, 1447/4, 1450/3 K.O. Ilidža, općina Ilidža, u postupku pribavljanja odobrenja za građenje.
2. Vodna saglasnost se donosi na osnovu utvrđenog činjeničnog stanja i pregleda projektne dokumentacije (GLAVNOG PROJEKAT „Vanjsko uređenje oko ispusnog kanala bušotine pored rijeke Željeznice“, maj 20022. godine i „Elaborat za pribavljanje potrebnih saglasnosti“ decembar 2022. godine urađena od strane Radis d.o.o. Istočno Novo Sarajevo), koja se ovjerena vraća podnosiocu zahtjeva na trajno čuvanje i čini sastavni dio ovog Rješenja, a ista će se koristiti u postupku pribavljanja odobrenja za građenje.
3. Dostavljeni projekat je urađen u skladu sa osnovnim uslovima iz Rješenja za prethodnu vodnu saglasnost broj: UP-1/21-1-40-154-6/22 od 01.08.2022. godine. Vodna saglasnost se donosi na temelju dostavljene projektne dokumentacije pod sljedećim uslovima:
 - 3.1. Izvođenje radova vršiti u skladu sa ovjerenom projektnom dokumentacijom iz tačke 2. ovog Rješenja, tj. na način utvrđen u opisu tehničkog rješenja iz navedene projektne dokumentacije, vodeći računa o uslovima datim u tački 3.2. ovog rješenja.
 - 3.2. Na prostoru vodnog dobra, na dijelovima zemljišnih čestica označenih kao k.č. 981, 1448/3 i 1450/3 K.O. Ilidža, nije dozvoljena izgradnja ograde na AB temeljima unutar vodnog dobra i inundacionog pojasa, što prema članu 96. stav (1) tačka 5. spada u zabranjene aktivnosti jer se istom onemogućava pristup koritu i obali odnosno ta vrsta prepreka može za vrijeme poplava imati štetan uticaj na vode.
 - 3.3. Prilikom izvođenja radova treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.
 - 3.4. Investitor (korisnik vodne saglasnosti) je u obavezi da angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.
 - 3.5. Predvidjeti da se sav nastali otpad prikuplja i zbrinjava izvan površina obuhvaćenih uticajem velikih voda, a u skladu sa važećim propisima o postupanju sa otpadom.
 - 3.6. Nakon završetka radova neophodno je radni pojas koji uključuje korito, inundacioni pojas i obale rijeke urediti i očistiti od gradilišnih objekata, mehanizacije i gradilišnog otpada.
 - 3.7. Planom organizacije gradilišta koje će se formirati u funkciji provođenja navedenih radova, treba osigurati da mjesta za smještaj građevinske mehanizacije, tečnih goriva i maziva budu locirana izvan nivoa velikih voda i na takvoj udaljenosti da ne mogu imati negativan uticaj na vodotok.
 - 3.8. Ukoliko se cisterne i rezervoari s gorivom planiraju postaviti na gradilištu, iste je potrebno postaviti u prihvatne posude ili izvesti s dvostrukom stjenkom prema posebnim propisima i izvan zone uticaja na površinske i podzemne vode.

- 3.9. Nakon završetka radova, potrebno je izvršiti ravnanje i uređenje korita, obala i pojasa u kome su vršeni radovi, tj. dovođenje kompletnog terena u projektovano, odnosno, na prostorima koji su korišteni u toku gradnje, u prvobitno stanje.
- 3.10. Sve kolizije sa postojećim infrastrukturnim objektima (instalacijama vodovoda i kanalizacije, elektro i sl.), na lokalitetu na kojem će se vršiti radovi obuhvaćeni ovom fazom regulacije korita rijeke Željeznice, ukoliko do takvih situacija tokom izvođenja radova dođe, prethodno će se rješavati uz saglasnost mjesno nadležnog operatera koji upravlja tim objektima i instalacijama i isti će dati tehničke uslove za izvođenje ovih radova.
4. Ukoliko se izvođenjem radova na uređenju korita kanala i lijeve obale rijeke Željeznice na predmetnom potezu ili drugim aktivnostima vezanim za predmetne radove prouzrokuju štete i naruši stabilnost korita, postojećih objekata i obala vodotoka ili nanese šteta trećim licima, podnosilac zahtjeva je obavezan uzroke nastanka štetnih promjena otkloniti, a nastale štete nadoknaditi.
5. U slučaju vanrednih situacija, havarijskih onečišćenja i drugih sličnih okolnosti koje bi nastupile u toku izvođenja radova i ugrozile kvalitet voda, obavezno izvijestiti nadležne organe i postupati po nalogu mjerodavnih institucija, te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
6. Korisnik vodne saglasnosti ostaje u obavezi da prije početka radova, najmanje sedam dana ranije obavijesti Udruženje sportsko ribolovno društvo „Ilidža“, koje je korisnik ribolovnog prava na ovom ribolovnom području, o početku izvođenja radova.
7. U periodu važenja ovog rješenja, izvođač radova je dužan provoditi sve mjere i aktivnosti propisane u dispozitivu ovog rješenja kao i uslove propisane od strane drugih nadležnih organa ukoliko isti nisu u suprotnosti sa uslovima iz ovog rješenja.
8. Ukoliko se pojavi višak materijala iz iskopa prilikom izvođenja zemljanih radova, a koji ne bude iskorišten za radove na uređenju korita kanala, potrebno je isti odložiti na deponiju izvan vodnog dobra i inundacionog pojasa, a sve u skladu sa uputama Investitora, tj. korisnika ove vodne saglasnosti.
9. Korisnik vodne saglasnosti je dužan da prije početka izvođenja radova riješiti imovinsko pravne odnose na lokalitetu izvođenja radova, na mjestu formiranja privremenih gradilišta, pristupnim putevima i deponijama za odlaganje viška izvađenog materijala.
10. Ova vodna saglasnost prestaje da važi istekom roka od 2 (dvije) godine od dana njenog izdavanja, ukoliko do tog dana nije pribavljeno odobrenje za gradnju i započeti radovi.
11. Ovo rješenje o vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Podnosioc zahtjeva, Općina Ilidža - Službe za razvoj, komunalne poslove i puteve, se dana 09.11.2022. godine, aktom broj: 12-19-7908/22 od 07.11.2022. godine, obratio ovoj Agenciji za izdavanje vodne saglasnosti za vanjsko uređenje oko ispusnog kanala bušotine IB-1 na ušću u rijeku Željeznicu, na zemljištu označenom kao k.č. 981 dio, 1447/2, 1447/3, 1448/3, 1447/4, 1450/3 K.O. Ilidža, općina Ilidža. Uz zahtjev za izdavanje vodne saglasnosti dostavljana je slijedeća dokumentacija:

A. Opšta dokumentacija

- Kopija Odluke o osnivanju i djelokrugu jedinstvenog organa uprave općine Ilidža („Službene novine Federacije BiH“, broj 19/21);
- Ovjerena kopija uvjerenja o registraciji poreznog obveznika, Porezna uprava FBiH - Kantonalni porezni ured Sarajevo, od 15.01.2021. godine;
- Kopija rješenja o izmjeni rješenja o urbanističkoj saglasnosti broj: 03-19-6538/2-21 M od 02.03.2022. godine i Lokacija objekta R 1:1000, broj: 03-19-6538/21 od 25.02.2022. godine, Služba za prostorno uređenje Općine Ilidža;
- Kopija rješenja o prethodnoj vodnoj saglasnosti broj: UP-1/21-1-40-154-11/22 od 01.08.2022. godine izdata od strane ove Agencije;
- Dokaz o uplaćenju upravnoj taksi u iznosu od 60,00 KM;
- Saglasnost Udruženja sportsko ribolovno društvo „Ilidža“ broj: 110-11/22 od 16.11.2022. godine.

B. Tehnička dokumentacija

- GLAVNI PROJEKAT „Vanjsko uređenje oko ispusnog kanala bušotine pored rijeke Željeznice“, maj 2022. godine i
- „Elaborat za pribavljanje potrebnih saglasnosti“ decembar 2022. godine, urađena od strane Radis d.o.o. Istočno Novo Sarajevo.

Nakon izvršenog uvida u dostavljeni zahtjev i priloženu dokumentaciju utvrđeno je da uz zahtjev nisu dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari i zatražio dopunu podneska u skladu s članom 19. Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH, broj 31/15, 55/19, 41/20 i 63/22) dopisom broj: UP-1/21-1-40-617-3/22 u kojem je zatraženo od podnosioca zahtjeva da isti upotpuni u roku od 30 (trideset) dana od dana urednog prijema dostavljene obavijesti.

Dana 28.12.2022. godine, Investitor je uz dopis broj: 12-19-7908/22-4 od 20.12.2022. godine, dostavio dio dokumentacije. Preostali dio tražene dokumentacije dostavljen je dana 17.01.2023. godine uz dopis broj: 12-19-7908/22-5 od 12.01.2023. godine te Glavni projekat dostavljen 27.01.2023. godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U provedenom postupku koji je prethodio donošenju ovog rješenja utvrđeno je:

- Za potrebe izrade projektne dokumentacije angažirana je projektna kuća „Radis“, koja je uradila projektnu dokumentaciju predmetnog vanjskog uređenja, pod nazivom GLAVNI PROJEKAT „Vanjsko uređenje oko ispusnog kanala bušotine pored rijeke Željeznice“, maj 2022. godine i „Elaborat za pribavljanje potrebnih saglasnosti“ decembar 2022. godine.
- Da je od strane ove Agencije, rješenjem broj: UP-1/21-1-40-154-11/22 od 01.08.2022. godine izdata prethodna vodna saglasnost u kojoj su propisani uslovi koje je projektant prilikom izrade projektne dokumentacije uvažio i u istoj priložio opise i nacрте uobičajene za ovaj nivo projektne dokumentacije:
 - Situativni prikaz projektnog rješenja za uređenje korita ispusnog kanala bušotine IB-1, na dionici uzvodno od ušća kanala u rijeku Željeznicu. Uređenje kanala je previđeno izgradnjom prelivnih terasastih bazena (četiri povezana bazena), dubine po 40cm i nisu previđeni za kupanje te uklapanjem ispusta sa bazena u postojeći - uređeni kanal na ušću u rijeku Željeznicu;
 - U sklopu predmetnog uređenja planirano je i uređenje i opremanje parkovskih površina oko ispusnog kanala termalne vode (bušotina IB-1). Obuhvat u okviru kojeg će se izvoditi radovi vanjskog uređenja nalazi se u granicama R.P. „Banjsko-rekreativnog kompleksa ilidža“ (izmjene i dopune) čija je namjena definisana kao „uređena parkovska površina“. Planirano uređenje parkovske površine se sastoji od slijedećeg:
 - Ulazni dio (česme, info panoi, nadzorni objekat);
 - Pješačke staze sa pratećim mobilijarom (klupe, kante za smeće...);
 - Terasasti bazeni sa termalnom vodom;
 - Montažni ugostiteljski objekat sa terasom (određena lokacija u slučaju potrebe za istim);
 - Prostor sa hladnjacima;
 - Dječije igralište i
 - Uređene travnate površine.
 - Projektним rješenjem previđena je 3D panelna ograda parkovske površine što spada u zabranjene zahvate na dijelovima parcela koji se nalaze u inundacionom pojasu uz rijeku Željeznicu. Na vodnom dobru i inundacionom području je zabranjeno izvoditi zahvate osim onih kojih su navedeni članom 12. Zakona o vodama. Prema članu 96. stav (1) tačka 5. u inundaciji su, osim zabrana iz člana 12. Zakona o vodama, izričito zabranjene i sve aktivnosti koje za vrijeme poplava mogu imati štetan uticaj na vode, vodno dobro, priobalno zemljište i zaštitne objekte a naročito podizati ograde i živice i saditi drveće na udaljenosti manjoj od 20 metara sa unutrašnje strane i 10 metara sa vanjske strane od nožice nasipa, kao i graditi objekte (stambeni, privredni i drugi) sa unutrašnje strane nasipa na udaljenosti manjoj od 20 metara od nožice nasipa i u inundacionom području. Planirana izgradnja panelne ograde na AB temeljima, unutar vodnog dobra, spada u zabranjene aktivnosti.

Na osnovu priložene tehničke dokumentacije utvrđeno je da se u svrhu poboljšanja hidromorfološkog stanja odvodnog kanala i smanjenja opasnosti od nastanka šteta nastalih erozionim procesima na predmetnoj dionici kanala, na osnovu člana 109. stav (1) tačka 14., a u vezi sa članom 111. Zakona o vodama («Službene novine FBiH», broj 70/06) i člana 17., stav (1), tačka 15. Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22), valjalo riješiti kao u dispozitivu ovog rješenja.

UPUTA O PRAVNOM LIJEKU:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih administrativnih.

Voditelj postupka:

Nihad Pezo, dipl.inž.građ.

**Po ovlaštenju
Rukovodilac sektora za izdavanje
vodnih akata**


Haris Ališehović, dipl.inž.građ.

Dostaviti:

- Općina Ilidža, Butmirska cesta br. 12, 71210 Ilidža (Prilog – tehnička dokumentacija navedena pod tačkom B obrazloženja Rješenja)
- Ⓢ AVP Sava, ISV – Vodna knjiga
- Sektor 30
- Sektor 40, arhiva
- oglasna ploča AVP - Sava